

Pater, in manus tuas commendo spiritum meum.

✠ Lécctio sancti Evangélii
secúndum Lucam

23, 44-46. 50. 52-53

⁴⁴ **E**rat fere hora sexta,
et ténebræ factæ sunt in univérſa terra
usque in horam nonam,
⁴⁵ et obscurátus est sol,
et velum templi scissum est médium.
⁴⁶ Et clamans voce magna Iesus ait:
«Pater, in manus tuas comméndo spíritum meum»;
et hæc dicens exspirávit.

[47-49]

⁵⁰ Et ecce vir nómine Ioseph,
qui erat decúrio, vir bonus et iustus, ^[51]
⁵² accéssit ad Pilátum et pétiit corpus Iesu
⁵³ et depósitum invólvit síndone
et pósuit eum in monuménto excíso,
in quo nondum quisquam pósitus fúerat.
Verbum Dómini.